

說文解字義證

卷三十三

第二十三冊

說文解字義林

卷三十三

卷三十三

說文解字第十一

義證第三十三

曲阜桂馥學



準也北方之行象眾水竝流中有微陽之氣也凡水

之屬皆從水

式軌切

玉篇水流津也春秋元命苞水之爲言演也陰化淖濡流

施潛行也故其立字兩人交一以中出者爲水一者數之始

兩人譬男女言陰陽交物以一起也淮南天文訓積陰之

寒氣爲水鹽鐵論秋生冬成故水生於申管子水地篇

水者地之血氣如筋脈之通流者也元中記天下之多者

水焉浮天載地高下無不至萬物無不潤抱朴子黃帝曰

天在地外水在天外浮天而載地者水也物理論所以立

天地者水也吐元氣發日月經星辰皆由水而興又曰九州

之外皆水也顧子水有四德沐浴羣生深流萬世是仁也

揚清激濁蕩去滓穢是義也柔而難犯弱而難勝是勇也道

江疏河惡盈流謙是智也韓詩外傳問者曰夫智者何以

樂於水也曰夫水者緣理而行不遺小閒似有智者動而之

下似有禮者蹈深不疑似有勇者障防而清似知命者歷險
致遠卒成不毀似有德者天地以成羣物以生國家以寧萬
事以平品物以正此
智者所以樂於水也

準也者水準聲相近集韻準數軌切本書灋荆也平之如
水從水廣韻水準也釋名水準也準平物也爾雅疏引白
虎通水之爲言準也考工記轉人轉注則利準鄭注故書
準作水栗氏爲量權之然後準之鄭注準故書或作水輪
人水之以眊其平沈之均也釋言坎銓也樊光注坎水也
水性平銓亦平也易繫辭易與天地準鄭注準平也管子
水地篇水者萬物之準也尙書大傳非水無以準萬里之
平淮南齊俗訓視高下不差尺寸明主弗任而來之乎浣
準高注浣準水望之平說林訓水靜則平平則清清則見
物之形弗能匿也故可以爲正尙書帝命驗五府黑曰元
矩注云黑帝汁光紀之府名曰元矩矩法也水精元味能
權輕重故謂之元矩漢書律歷志以井水準其槩李尋傳
水爲準平王道公正修明則百川理落脈通說苑夫水者
至量必平盈不求槩韋昭辨釋名平準令主平物價使相
依準通鑑注準揆平之物漢有水衡官史記有平準書
北方之行者白帖水冠五行之始易說卦坎爲水正義云

取其北方之行也書洪範五行一曰水春秋元命苞水者
天地之包幕五行之始焉萬物之所由生元氣之津液也
計倪子內經元冥治北方白辯佐之使主水鶚冠子泰鴻
篇以水沈物天下盡水也使居北方主冬子華子北方陰
極而生寒寒生水申鑒北方水也蹈之不沈白虎通水位
在北方北方者陰氣在黃泉之下在養萬物水之為言準
也陰化沾濡漢書五行志水北方終藏萬物者也又李尋
傳五行以水為本其星元武婺女天地所紀終始所生抱
朴子水行為智為黑象眾水並流中有微陽之氣也者
爾雅釋文引作象眾泉並流著微陽之氣也本書入賦支
流也馥謂水字中畫從八坎古文作三中畫陽也元命苞
水者元氣之腴液也周語川氣之導也乾坤鑿度水內剛
外柔性下不上恆附於氣也子華子陰之正氣其色黑
水陽也而其伏為陰書洪範正義五行之體水最微



西極之水也從水八聲爾雅曰西至汭國謂四極府
切

西極之水也者廣韻汭西極水名爾雅曰西至汭國謂
四極者釋地文彼作邠釋文邠說文作汭字音同廣韻汭

西方極遠之國列子湯問篇西行至豳人民猶是也注引爾雅為證漢書司馬相如傳右西極郭璞曰西極國也文穎曰爾雅曰西至於豳國為西極在長安西故言右離騷朝發軔於天津兮夕余至乎西極淮南地形訓西方曰西極之山曰閼闔之門

河

水出焞煌塞外昆侖山發原注海從水可磬

乎哥切

釋名河精分布懷陰引度也孝經援神契河者水之伯上荷也荷應天漢史記大宛傳于寘之西則水皆西流注西海其東水東流注鹽澤鹽澤潛行地下其南則河源出焉漢書西域傳西域在匈奴之西烏孫之南南北有大山中央有河其河兩原一出蔥嶺山一出于闐于闐在南山下其河北流與蔥嶺河合東注蒲昌海蒲昌海一名鹽澤者也去玉門陽關三百餘里廣袤三百里其水亭居冬夏不增減皆以為潛行地下南出於積石為中國河云禹貢導河積石淮南地形訓河水出崑崙東北陬貫勃海入禹所導積石山高注勃海大海也河水自崑崙山地形訓禹所導積石之山河水所入注云河出昆侖而潛海外北經禹所導積石之山河水所入注云河出昆侖而潛

行地下至蔥嶺復出注鹽澤從鹽澤復行南出於此山而爲
中國河遂注海也書導河積石言時有壅塞故導利以通
之西山經積石之山其下有石門河水冒以西流郭注積
石山今在金城河門關西南羌中河水行塞外東入塞內
括地志大積石山在吐谷渾界小積石山在枹罕縣西北
後漢書段熲傳自張掖追西羌且闕且行四十餘日至河首
積石山出塞三千餘里唐書吐谷渾傳君集道宗行空荒
二千里闕月次星宿川達柏海上望積石山覽觀河源元
和郡縣志積石山一名唐述山今名小積石在枹罕縣西北
七十里按河出積石山在西南羌中注於蒲昌海潛行地下
出於積石爲中國河故今人目彼山爲大積石山此山爲小
積石山按禹貢導河積石至于龍門又曰導洛自熊耳按洛
水出上洛西山經熊耳之北所言導者皆謂紀所施功不必
自其源也胡渭曰水經崑崙墟在西北去嵩高五萬里地
之中也其高萬一千里河水出其東北甌屈從其東南流入
於渤海又東與于闐河合南河又東逕于闐北又東北逕扞
彌國北又東逕且末國北北河又東北流分爲二水枝流出
焉北河自疏勒逕流南河之北又東逕莎車國南又東南逕
溫宿國又東逕姑墨國南又東逕注賓城南又東逕樓蘭城
南又東注於渤海又出海外南至積石山下有石門河水冒

以西南流攔轍今移置於此又東入塞過敦煌酒泉張掖郡
南按水經敘西域兩源較漢書尤為明備惟是積石一山錯
簡在渤海之下蔥嶺之上遂來後人之彈射而不知此非其
本文乃妄庸人之所竄易也春秋釋例河出西平西南二
千里從西平東北經金城故北地朔方五原至故雲中南經
平陽河東之西界東經河東河內之南界東北經汲郡頓邱
陽平平原樂陵之東南入海馥案此河道與禹貢不同蓋據
當時言之釋水河出崑崙虛色白所渠并千七百一川色
黃百里一小曲千里一曲一直文十二年公羊傳河曲疏
矣河千里而一曲也物理論河色黃赤衆川之流蓋濁之
也百里一小曲千里一大曲河圖絡象黃河出崑崙山東
北流千里折西而行至於蒲山南流千里至於華山之陰東
流千里至於桓雍北流千里至於天津河水九曲長九千里
入於渤海史紀殷本紀載湯誥之言曰東為江北為濟西
為河南為淮四瀆已修萬民乃有居博物志四

瀆河出崑崙虛江出岷山濟出王屋淮出桐柏

水出焞煌塞外崑崙山者山當為虛本書崑崙邱謂之崑

崙虛釋地西北之美者有崑崙虛之璆琳琅玕焉釋水河

出崑崙虛河圖括地象崑崙之墟有五城十二樓河水出

四維多玉水經崑崙虛在西北博物志地部之位起形高

大者有昆侖墟其泉南流入中國名曰河也河圖始開圖
黃帝問風后曰余欲知河之始開風后曰河凡有五皆始
開乎崑崙之墟海內西經海內崑崙之墟在西北北山經
敦蒙之山敦蒙之水出焉而西流注於勃澤出於昆侖之
東北隅實惟河原郭注即河水出昆侖之墟淮南子崑崙
虛中有增城九重凡此諸說皆稱昆侖虛亦或稱邱如西
山經昆侖之邱是實惟帝之下都河水出焉大荒經西海
之南流沙之濱赤水之後黑水之前有太山名曰昆侖之
邱古文苑靈河賦咨靈川之遐源今於崑崙之神邱是也
其稱山者廣韻渤崑崙山下澤也崑崙山記崑崙山一名
崑崙邱風俗通義河出燉煌塞外崑崙山發源注海此即
據本書之文亦稱山為可疑也易林泉出崑崙流為九河
十洲記崑崙陵即崑崙中狹上廣故曰崑崙博物志崑崙出
五色流水東南流黃水入中國為河成公綏大河賦覽百
川之宏壯莫尚美於黃河潛崑崙之峻極出積石之嵯峨
發原注海者廣雅崑崙虛河水出其東北陬入東海漢
書地理志金城郡河關縣積石山在西南羌中河水行塞
外東北入塞內至章武入海過郡十六行九千四百里禹
貢導河積石至于龍門南至于華陰東至于底柱又東至
于孟津東過洛汭至于大伾北過降水至于大陸又北播

為九河同為逆河入于海釋水江河淮濟為四瀆四瀆者
發源注海者也釋名瀆獨也各獨出其所而入海也許敬
宗曰瀆者獨也獨能赴海也淮南說山訓江出岷山河出
昆侖濟出王屋潁出少室漢出嶓冢分流舛馳注於東海
所行則異所歸者一管子水有大小有遠近水出山而流
入海者命曰經水引他水及歸於大水入海者命曰枝水
可聲者本書序形聲者以事為名取譬相成江河是也
賈公彥說周禮六書云書有六體形聲實多若江河是左
形右聲鳩鵲是右形左聲草藻是上形下聲婆娑是下形
上聲圃國是外形內聲闔閭戚辨壘嬴是內形外聲此形
聲之等有六也



澤在昆侖下從水幼聲讀與歙同於糾切

澤在昆侖下者御覽引作澤在崑崙崑崙崑崙山
下澤也水經河水又東注於渤澤酈注卽所謂蒲昌也史
記大宛列傳于寘之西則水皆西流注西海其東水東流
注鹽澤鹽澤潛行地下其南則河源出焉鹽澤去長安可
五千里正義漢書云鹽澤去玉門關三百餘里廣表三四
百里其水皆潛行地下南出於積石山為中國河括地志

云蒲昌海一名勃澤一名鹽澤亦名輔日海亦名穿蘭亦名臨海在沙州西南漢書地理志敦煌郡正西關外有白龍堆沙有蒲昌海西山經不周之山北望諸魼之山臨彼嶽崇之山東望勃澤河水所潛也其原渾渾泡泡郭注河南出昆侖潛行地下至蔥嶺出于闐國復分流岐出合而東流注勃澤已復潛行南出於積石山而為中國河也勃澤即蒲澤一名蒲昌海廣三四百里其水停冬夏不增減去玉門關三百餘里即河之重源所謂潛行也又長沙之山泚水出焉北流注於勃水注云水色黑也馥案大荒經所謂赤水之後黑水之前有崑崙邱者黑水即勃也西山經槐江之山邱時之水出焉而北流注於勃水南望崑崙其光熊熊其氣魂魂馥案經言南望是崑崙在黑水之前矣

陳

水出發鳩山入於河從水東聲

德紅切

此水當與漳沁相次

水出發鳩山入於河者水經注濁漳水云漳水又東陳水注之水西出發鳩山東逕余吾縣故城南又東逕屯留縣

故城北又東流注於漳故許慎曰水出發鳩山入關從水
章聲也馥案陳水當為涑水章聲當為東聲入關當為入
壺關漳水徑壺關縣故城西也本書今作入於河後人亂
之寰宇記八十川水出潞州長子縣界發鳩山西南合沁
水此川長八十里因名
八十川馥謂即涑水

涑

水出廣漢剛邑道徼外南入漢從水客聲

縛牟切

水出廣漢剛邑道徼外南入漢者邑當為氏漢書百官表
縣有蠻夷曰道漢書音義徼塞也以木柵水為蠻夷界地
理志廣漢郡剛氏道涑水出徼外南至墊江入漢過郡二
行千六十九里又涑縣莽曰統陸應劭曰涑水出廣漢南
入漢華陽國志漢中志剛氏縣涑水所出水經涑水出廣
魏涑縣西北南至小廣魏與梓潼水合酈注涑水出廣漢
屬國剛氏道徼外東南流涑縣西又東南逕縣竹縣北
又東南逕南安郡南又南枝津出焉西逕廣漢五城縣為
五城水又西至成都入於江又水經梓潼水出其縣北界
西南入於涑又西南至小廣魏南入於墊江酈注亦言涑
水至此入漢水元和志涑州武龍縣涑江水在縣南屈北
流注於蜀江又云射洪縣有梓潼水與涑江合流急如箭

奔射江口蜀人謂水口曰洪因名射洪九域志縣州巴西縣有涪水

灇

水出廣漢梓潼北界南入墊江從水童聲

徒紅切

水出廣漢梓潼北界南入墊江者墊當爲藝本書藝下云巴郡有藝江縣地理志廣漢郡梓潼縣應劭曰潼水所出南入墊江元和志梓州因梓潼水爲名也又云岐江水下流卽梓潼水寶宇記梓州鹽亭縣梓潼水流出劍州陰平縣豆團山石穴東南經縣州鹽泉縣流入當縣又云開州新浦縣墊江水源自縣高梁山東北流於縣南入常渠水

江

水出蜀湔氐徼外崕山入海從水工聲

古雙切

釋名江公也小水流入其中公其也

廣雅江貢也

風俗

通江者貢也所出珍物可貢獻也

江源記平康縣有羊腸

嶺大江發源之所馥案腸當爲膊李膺益州記羊膊嶺水分

二派一東南流爲大江一西南流爲大渡河寶宇記羊膊山

在平康縣山下有二神湫大江始發之所金履祥尙書注岷

山數百峯大西山爲最大雪山峯闖其後冬夏如爛銀一谷

名鐵豹嶺者有西岳廟廟下名羊膊石江水正源也詩四

月滔滔江漢南國之紀箋云江也漢也南國之大水紀理衆

川使不壅滯禹貢三江既入鄭注左合漢爲北江會彭蠡爲南江岷江居其中則爲中江故書稱東爲中江者明岷江至彭蠡與南北合始得稱中也楊慎曰江出岷山其源實自蜀西戎萬山來至嘉州而沫水自嚮州合大渡河穿夷界十山以會之至敘州而馬湖江會之又十五里而南廣江會之至瀘州而內江又自資簡會之至重慶而嘉陵江自利聞果合等州會之至涪州而黔江合南夷諸水會之至萬縣而開江水自開達等州會之夫然後總而入峽是江自峽而西受大水凡八及出峽而下岳陽則會之者洞庭湖所受湖南北諸水也又自是而下鄂渚則會之者漢口所受興元諸水也又自是而下黃州東四十五里則會之者巴河也又自是而下九江則會之者彭蠡今名鄱陽湖所受江東西諸郡水也又自是而下則會之者皖水所受淮西諸水也夫然後總而入海是以自峽而東又受大水凡五畧計天下之水會於江者居天下之半其名稱之大而可考者凡十有三故曰江源其出如甕而能滔滔萬里達海所受者衆也胡渭曰華陽國志李水穿郫江檢江檢江卽流江自漢以來皆以郫江爲沱水流江爲大江水經所敘江水自都安以至成都者攷其原委皆流江也然流江實非大江江原縣鄴水近世謂之大阜江者則岷江之正流也而班氏以爲首受江故鄭康成

云沱之類鄰與郛俱爲沱而流江於是乎爲大江矣

水出蜀潯氏徼外嶠山入海者嶠當作駱氏下當有道字地理志蜀郡潯氏道禹貢嶠山在西徼外江水所出東南至江都入海過郡七行二千六百六十里胡渭曰江自松潘至泰州行七千九百六十里自泰州至海門入海又四百里通計得八千三百餘里二當作入或是七閭若據曰漢志言江行二千二百六十里案水經江水東過夷陵縣南注說宜昌縣流頭灘而引袁山松曰自蜀至此五千餘里于寶晉紀吳使紀陟如魏司馬昭問吳成備幾何對曰西陵至江都五千七百里宜昌今宜都縣在西陵之東自江發源松潘至此四千四五百里西陵今宜昌府治東湖縣自此至江都不過四千里山松與陟言皆誇然其計亦當有八千餘里二當作入馥案過郡七者蜀郡犍爲已郡南郡江夏廬江廣陵也地理志又云會稽毗陵縣江在北東入海又地理志嶠山之陽顏注嶠山在蜀郡潯氏西江所出經典用岷字禹貢岷山導江家語夫江始於岷山其源可以濫觴郡國志蜀郡潯氏道岷山在西徼外括地志江水源出岷州南岷山南流至益州卽東南流入蜀至瀘州東流經三峽過荊州與漢水合風俗通義江出蜀郡潯

氏微外岷山入海海內東經岷三江首大江出汶山郭注
今江出汶山郡升遷縣岷山東南經蜀郡犍爲至江陽東
北經巴東建平宜都南郡江夏弋陽安豐至盧江南界東
北經淮南下邳至廣陵郡入海楚詞九章隱岷山以清江
王注岷山江所出也高誘注呂氏春秋有始篇江水云江
水出岷山在蜀西徼外淮南地形訓江出岷山東流絕漢
入海左還北流至於開母之北右還東流至於東極高注
開母山名在東海中地形訓又云何謂六水曰河水赤水
遼水黑水江水淮水注云江出岷山在蜀西徼外荊州記
江出岷山其源若甕口可以濫觴在益州建寧漏江縣潛
行地底數里至楚都遂廣十里陸游入蜀記嘗登岷山欲
窮江源而不可得蓋自蜀郡之西大山廣谷谿萌起伏西
南走蠻箐中皆岷山也則江所從來遠矣范成大吳船錄
江源自西戎來由岷山湍壑中出而合於都江今世所云
止自中國言耳或借汶字禹貢岷嶓既藝岷山導江史記
竝作汶海內東經大江出汶山輿地廣記汶山在茂州汶
山縣西俗謂之鐵豹嶺禹之導江發迹於此管子霸形篇
望汶山注云汶音岷岷山江水所從出于華子江之源出
於汶山其大如甕口其流可以濫觴順沿而下控諸羣荆
廣袤數千里方舟然後可以濟此無他故也所受於下流

者非一壑也春秋釋例江水出汶山升遷縣岷山經南郡
江夏至廣陵入海元和志大江水一名汶江至汶山故郡
乃廣二百步又云茂州汶山縣有汶山岷江六經正誤考丁
西二里九域志茂州汶山縣有汶山岷江六經正誤考丁
記貉踰汶則水注汶水在魯北釋文汶音問水名按列子
湯問篇鸛鵒不踰濟貉踰汶則水注汶水在魯北釋文汶音問水名按列子
反鄭元云汶水在魯城北先儒相因以爲魯之汶水皆人
誤也按史記汶與嶧同母巾反謂汶江也非音問之汶案
山海經大江出汶山郭云東南逕蜀郡東北逕巴東江復
至廣陵入海韓詩外傳云昔者江出於汶山其始也足以
濫觴是也又楚辭云隱汶山之清江固可明矣且列子與
周禮通言水土異性則遷移有傷故舉四瀆以言之案今
魯之汶水濶不踰數十丈源不過二百里揭厲皆渡斯須
往還豈狐貉暫游生歟頓隔乎說文云貉狐類也皆生長
邱陵旱地今江邊人云狐不渡江是明踰越大水則傷本
性遂致歟也三國志蜀後主至前登觀坂看汶水之流五
代史王建貶衛尉少卿李綱爲汶川尉徐無黨注汶讀作
岷工瞽者本書序形瞽者以事爲名取譬相成江河是
也